



Služba za privredu, finansije i inspeksijski nadzor

Na osnovu člana 6. Pravilnika o utvrđivanju uslova, kriterija i postupaka za ostvarivanje prava za pomoć poduzetništvu i obrtu na području općine Hadžići, broj: 04-11-3-10099/2022 od 07.11.2022. godine Općina Hadžići raspisuje:

JAVNI POZIV

za dodjelu podsticaja fizičkim licima koja obavljaju djelatnost kao osnovno zanimanje na području općine Hadžići

I PREDMET I CILJ JAVNOG POZIVA

Predmet Javnog poziva je prikupljanje zahtjeva fizičkih lica koja obavljaju djelatnost kao osnovno zanimanje na području općine Hadžići za ostvarivanje prava na novčani podsticaj iz sredstava Budžeta Općine Hadžići za 2022. godinu. Na javni poziv mogu aplicirati i fizička lica koja namjeravaju registrovati djelatnost kod nadležne Službe za upravu.

Općina Hadžići raspisuje Javni poziv s ciljem pomoći fizičkim licima koja obavljaju djelatnost kao osnovno zanimanje sa područja općine Hadžići u vezi sufinansiranja pokrića troškova nabavke stalnih sredstava i opreme, sirovina i repromaterijala, unaprijeđenja promocije proizvoda i usluga, očuvanja zanatske tradicije i kulturnog i historijskog nasljeđa poticanjem tradicionalnih i starih zanatskih djelatnosti kroz sufinansiranje troškova (provođenja poslovnog plana, nabavke alata i uvođenja novih tehnoloških postupaka, poboljšanja uslova rada u radionici, edukacije i stručnog osposobljavanja uposlenih i izradu reklamnog materijala), plaćanje dospjelih obaveza (PIO/MIO, zdravstveno osiguranje uposlenih, zakup poslovnog prostora), veće i lakše uključivanje žena u poduzetništvo, poticanje mladih osoba na samozapošljavanje, veće i lakše uključivanje mladih u poduzetništvo, te ostalim fizičkim licima sa ciljem pokretanja i razvoja vlastitog poslovanja, kako bi se ublažile ekonomske posljedice uzrokovane rastom indeksa potrošačkih cijena, kao i stvorila nova radna mjesta.

II PRAVO UČEŠĆA I KRITERIJI

Pravo na učešće u dodjeli sredstava imaju:

- a) fizička lica koja obavljaju djelatnost kao osnovno zanimanje u skladu sa Zakonom o obrtu i srodnim djelatnostima u Federaciji Bosne i Hercegovine („Službene novine Federacije BiH“ broj: 75/21), Zakonom o unutrašnjoj trgovini („Službene novine Federacije BiH“ broj: 40/10 i 79/17) i Zakonom o ugostiteljskoj djelatnosti („Službene novine Federacije BiH“ broj: 32/09), te ispunjavaju sljedeće opće kriterije:

1. OPĆI KRITERIJI

- da je djelatnost registrovana na području Općine Hadžići;
- da imaju otvoren i aktivan račun u banci, koji se vodi na ime registrovane djelatnosti;
- da je djelatnost registrirana, najkasnije, do dana objave Javnog poziva;
- da je djelatnost registrirana kao osnovno zanimanje.

2. POSEBNI KRITERIJI (koriste se prilikom bodovanja):

- Namjena ulaganja sredstava (Zaposlenje novih uposlenika (jedan, dva i/ili više lica), nabavka alata, repromaterijala, promociju djelatnosti, proizvoda i usluga, kao i druge aktivnosti vezane za razvoj i unaprijeđenje poslovanja, plaćanje dospjelih obaveza (PIO/MIO, Zdravstveno osiguranje uposlenih, zakup poslovnog prostora)),
- Dužina poslovanja djelatnosti,
- Broj zaposlenih.

b) fizička lica koja imaju namjeru registrovati djelatnost kao osnovno zanimanje čije bi sjedište bilo na području općine Hadžići i ispunjavaju sljedeće opće kriterije:

1. OPĆI KRITERIJI

- da izjavi da će registrovati djelatnost na području općine Hadžići kao osnovno zanimanje.

2. POSEBNI KRITERIJI (koriste se prilikom bodovanja):

- Namjena ulaganja sredstava (Zaposlenje uposlenika (jedan, dva i/ili više lica), nabavka alata, repromaterijala, promociju djelatnosti, proizvoda i usluga, kao i druge aktivnosti vezane za razvoj i unaprjeđenje poslovanja, ...);
- broj članova zajedničkog domaćinstva (broj nezaposlenih punoljetnih članova zajedničkog domaćinstva, broj izdržavanih članova zajedničkog domaćinstva);
- period proveden na Birou za zapošljavanje - podnosioca zahtjeva;
- socijalni aspekt (stanje na terenu, imovno stanje, opći dojam i slično).

Kao dodatni kriteriji će biti korišteni i parametri kao što su: vrsta djelatnosti, broj uposlenih, povećanje zaposlenosti, starost obrta, namjena ulaganja sredstava, izvor-način finansiranja, pripadnost grupi (invalidna lica, povratnici i demobilisani borci), orijentisanost izvozu, dosadašnji poticaji od strane institucija sa svih nivoa vlasti.

Kada kandidati pri bodovanju imaju isti broj bodova, prednost će imati kandidati koji imaju višečlanu porodicu i veći broj nezaposlenih članova u porodici, odnosno imaju više zaposlenih lica u registrovanoj djelatnosti.

III POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju:

1. Obrazac za prijavu na Javni poziv za dodjelu podsticaja fizičkim licima koja obavljaju djelatnost kao osnovno zanimanje na području općine Hadžići (info pult ili web stranica Općine Hadžići);
2. Rješenje o registraciji djelatnosti (ovjerena kopija);
3. Potvrda o otvorenom i aktivnom računu kod banke, koji se vodi na ime registrovane djelatnosti (Originalni dokument ili ovjerena kopija, na stariji od mjesec dana);
4. Uvjerenje o poreznoj registraciji sa ID brojem (ovjerena kopija);
5. Dokaz o mjestu prebivališta (ovjerena kopija CIPS-ove prijave ne starija od tri mjeseca);
6. Ovjerena kopija lične karte;
7. Ovjerena kućna lista (šalter sala Općine Hadžići);
8. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje (Služba za zapošljavanje Kantona Sarajevo);
9. Uvjerenje ili drugi dokaz o prosječnom prihodu za posljednja 3 mjeseca za svakog zaposlenog člana domaćinstva sa kućne liste (za penzionere posljednji ček od penzije ili potvrda izdata od banke) (Uvjerenje od poslodavca).

Fizička lica koja obavljaju djelatnost kao osnovno zanimanje na području općine Hadžići i namjeravaju aplicirati na ovaj Javni poziv predaju dokumente pod rednim brojevima: 1., 2., 3. i 4., te eventualno dodatnu dokumentaciju sa kojom raspolažu, a koju smatraju relevantnom za Javni poziv.

Fizička lica koja imaju namjeru registrovati djelatnost kao osnovno zanimanje čije bi sjedište bilo na području općine Hadžići i namjeravaju aplicirati na ovaj Javni poziv predaju dokumente pod rednim brojevima: 1., 5., 6., 7., 8. i 9., te eventualno dodatnu dokumentaciju sa kojom raspolaže, a koju smatra relevantnom za Javni poziv.

IV PROCEDURA ODABIRA KORISNIKA

Proceduru vrednovanja i utvrđivanja rang liste, izvršiće Komisija na osnovu Pravilnika o utvrđivanju uslova, kriterija i postupaka za ostvarivanje prava za pomoć poduzetništvu i obrtu na području općine Hadžići, koju imenuje Općinski načelnik. Sredstva za dodjelu podsticaja obrtnicima i poduzetnicima su planirana u Budžetu Općine Hadžići za 2022. godinu i iznose 100.000,00 KM, te ista ne moraju biti utrošena u planiranom iznosu.

NAPOMENA:

Obrazac za prijavu se može preuzeti na prijemnoj kancelariji Općine Hadžići ili na web stranici Općine i zajedno sa dokumentacijom predati u zatvorenoj koverti na protokol Općine Hadžići ili preporučeno putem pošte na adresu:

Općina Hadžići
Služba za privredu, finansije i inspekcijski nadzor
Hadželi 114
71240 Hadžići

sa naznakom „**Za javni poziv za dodjelu podsticaja fizičkim licima koja obavljaju djelatnost kao osnovno zanimanje na području općine Hadžići**“.

Na poledini koverta obavezno se navodi: ime i prezime aplikanta, naziv djelatnosti, adresa djelatnosti, kontakt telefon i ovjerava se pečatom djelatnosti.

Nepotpuna, neuredna, netačna i neblagovremena dokumentacija neće se uzimati u razmatranje.

Sve dodatne informacije mogu se dobiti u Službi za privredu, finansije i inspekcijski nadzor općine Hadžići II sprat soba broj 204 ili na broj telefona 033/475-947 svakim radnim danom od 08:00-16:00 sati.

U postupku po Javnom pozivu Općina Hadžići ne snosi nikakve troškove učesnika Javnog poziva, kao ni odgovornost prema učesnicima Javnog poziva u pogledu aktivnosti koje su preduzeli u cilju apliciranja, također prispjela dokumentacija se ne vraća podnosiocu.

Javni poziv ostaje otvoren do 18.11.2022. godine do 16,00 sati.

Hadžići, 08.11.2022. godine
Broj: 04-11-3-10099-1/2022

Dostavljeno:

1. Kabinet načelnika- web stranica: www.hadzici.ba
2. Oglasna ploča Općine Hadžići;
3. Arhivi.



OPĆINSKI NAČELNIK

Hamdo Ejubović dipl.ing.maš.